

## Gender mo Protection Checklist | Food Security mo Livelihood

### From wanem nao gender, social inclusion mo protection hemi important lo saet blo security mo livelihood program?

- Lo disaster taem (Hariken, drae team etc), Social Inclusion I nid kakae blong security lo laef mo semtaem from goodness blong wan komuniti. Social program hem i save helpem yumi lo safety, usem olgeta local risos mo fasion blong protection long ol fasion nogud we pipol I save mekem blong stop evriwan blong gat suppot long kakae.
- Long disaster response yumi mas care long komuniti nid. Olsem yumi no givim tumas wok long komuniti make se sam paren I save stoppem ol gel ino go long skul mo stap lukaotem pikinini long haos.
- Evri pipol I gat raet blong lo Food Security long komuniti. Hemi ia nao stamba samting we everiwan hemi mas gat kakae. I no samfala pipol nomo be everiwan (disable, ol bubu mo olgeta family wetem ol nara nid blong oli stap laef mo sem taem lo fasion olsem oli gat save blong olgeta nomo isave growem kakae mo suportem olgeta bakagen.
- Olgeta pipol olsem olgeta woman, ol gel, ol boe mo ogeta wetem disability ol olfala olgeta tu oli gat raet lo security lo kakae. Plenty taem woman hemi wok hard olsem long farming (ol Karen, lukaotem faol, pig ect) mo oli gat save long saet ia be samtaem woman hemi no gat raet lo graon. Mekem hemi save wok smol nomo. Plenty taem hemi preparem kakae, be taem hemi luk se kakae hemi smol mo ino naf, hem o gel we ipreparem kakae ol kakae last wan. Same taem oli no stap kakae. Same taem woman o gel I mas wok had blong faenem kakae. Long taem blong I nogat kakae ol situation olsem hem i forcem hem blong faenem wan man blong slip wetem hem from kakae mo laef.
- Wok klosap lo olgeta pipol blong understandem olgeta nid. Wok wetem ol people wetem special nid mo supportem olgeta blong gat security long kakae mo providem sam support lo komuniti aktiviti/program olsem buildem bak from wan disaster mo buildem resilience.

### Assessment

- Toktok stret wetem olgeta we disaster I kilim olgeta blong harem concern mo nid blong olgeta; oltaem meksua yumi harem save olgeta concern mo nid blong olgeta women, gel, boe, ol pipol wetem special nid.
- Faenemaot hao olgeta pipol oli liv mo nid long kakae blong olgeta pipol wetem special nid mo olgeta we disaster I affectem komuniti blong olgeta. Tekem record lo saet lo sex, age mo disability. Hemi i priority blong includem olgeta woman, namba blong wanwan pikinini long everi haos motu olgeta pikinini wetem disability.
- Faenemaot hao olgeta komuniti I kasse kakae mo partisipasen blong olgeta lo nara komuniti wok olsem:
  - Long taem blong preparem kakae lo Karen mo blong storem long haos, ol role blong ol woman mo gel I separate long ol man mo boe? Hu I karem kakae I kam mo hu nao I kukum kakae? Hu I mekem mo heavy wok olsem katem mo planem Karen?
  - Olsem wanem nao olgeta haoshold oli sharem kakae? Taem kakae I no naf, hu nao I kakae fastem, ol woman, ol gel, ol boy or ol man? I gat samfala taboo lo fashion blong tajem kakae olsem taem woman or gel hemi kasse sik blong olgeta woman (sikmoon)? Hao nao pipol wetem disability i served?
  - Wanem nao ol kaen wok we olgeta pipol oli save mekem everi dei mo samfala special taem (sisen)? Wanem aktiviti we olgeta woman, man, gel mo boe I mekem long saet blong natural risos blo olgeta? Olsem solwota mo long forest?
  - Hu I boss mo kat control long saet blong olgeta asset ia: Land, tool, ol sid blong planem mo fertilizer? Ol woman, man, gel mo boe I ave kasse training long saet blong usem olgeta tool mo niu technology (niufala we blo mekem graon irij)?

- I gat kastom we I stopem pipol blong mekem smol business? (e.g woman I maret aot lo komuniti ia)?
- Faenemaot wanem olgeta fasion mo taboo we I save stoppem security long kakae long komuniti. Ol kaen fashion we I lukim woman, gel mo boe ol i mas slip wetem nara wan blong faem mani blong payem kakae.

## Access

---

- Prioritistem olgeta pipol we oli really gat nid lo sapport blong kakae mo sapport long livelihood program. Olsem: ol woman, hao mas pikinini long wan haos, pikinini we ol paren oli no stap wetem olgeta, olgeta wetem disability mo olfala.
  - No strict tumas long details long taem blong registration.
  - Makem sua se distribution point hemi kolosap lo olgeta pipol we oli kat nid. Tinkabaot distance, taem, hao nao pipol ikassem kakae, oli stanap lo queue, oli sendem nara man blong kolectem kakae blong olgeta mo deliverem long home blong olgeta?
- Toktok wetem olgeta pipol wetem nid blong faenem aot hao nao Livelihood program hemi save helpem olgeta. Faenemaot olgeta specific area we blong wok wetem olgeta.
  - Prioritistem olgeta woman mo selectem aktiviti we isave helpem woman blong hemi no wok had mo tumas.
  - Long everi program mekem sua se I gat fairness lo delegation mo distribution long everiwan, woman, gel, boe mo man.
  - Providem specific aktiviti blong olgeta wetem disability or yangfala woman mo man
- Providem sappot lo olgeta pipol lo nid(e.g olgeta we oli tekcare lo narafala, olgeta pikinini) we oli no save kassem wok blong mani.
- Aim blong gat gender balance lo staff lo taem blong distributem olgeta program. Mekem sua igat samfala woman or gel lo olgeta contact point long komuniti.
- Usem ol diferen way blong komunikasen mo Infomasen blong mek sua olgeta long komuniti oli kassem gud infomasen(extension worker, radio,sms,messages,posters,newsletters,television or loudspeaker). Hemia hemi save helpem olgeta we oli no save rid gud.
- Toktok long olgeta komuniti lida long saet blong daon fashion blong descrimination(Tekem olting blong yu wan nomo or blong family blong yu nomo) mo ol nara fasion nogud(exploitation mo abuse).

## Safety mo dignity

---

- Toktok wetem pipol wetem special nid blong mekem se save long food security hemi kamantap, mo olgeta lo komuniti mo livelihood hemi growem aktiviti olsem: safe place mo road blong kasem kakae, lo taem blong distributem kakae hemi mas dei taem, hao nao olgeta pipol ikassem kakae(queue), tingabaot hao olgeta pipol wetem disability mo safety patrol.
- Lukaotem gud mo reportem any fasion we hemi no stret lo safety lo distribution lo kakae, lo livelihood program mo reportem any form blong risk, incident, exploitation, abuse, violence mo injury(everi nogud fasion blo treatem narawan).
- Ripot back long Gender based Violence mo specialist. Suggestem ol way blong deal lo case lo wan safe mo confidential way mo includem contact blong referral Support Service blong tekemap case ia.

## Participation, empowerment mo accountability

---

- Providem staff wetem guidelines mo training lo situation mo capacity blong vulnerable pipol(pipol wetem nid).
- Infomem olgeta beneficiaries (Ol vunerable pipol) lo raet blo olgeta lo food security, livelihood mo hao blong accessem information mo support. E.g ol targeted programs.

- Mekem sua se olgeta pipol we stap lo special nid oli mas tekem part lo discussions mo decision making lo taem blo discussem food security mo livelihood programs. Olsem taem oli discussem agricultural activities mo livelihood training
- Actively promotem olgeta woman, youth mo pipol wetem disability lo olgeta miting we hemi discussem village savings, komiti blong loan, agriculture mo ol farmer's group.
- Providem staff training mo policies long saet blong sex exploitation mo abuse. Providem gudfala information long olgeta komuniti mo explainem se olgeta beneficiary olsem ol woman oli no gat nid blong payem or providem service or favour blong food security or livelihood assistance.
- Setemap Support Service (mechanism) we ol pipol wetem special nid i save go voicem or lodgem complaint blong olgeta lo wan safe mo confidential rod.

## Monitoring

---

- Collectem mo monitorem data long behalf blong beneficiaries long saet blong sex, age mo disability
- Monitorem blong faenem aot se hu ino kat access long kakae or livelihood material or activitie, mo addresssem any barriers we ol i facem
- Monitorem blong mekem sua olgeta beneficiaries ol mas receivem kakae mo pipol oli usem material
- Monitorem gud evri fasion blong distributem gud kakae mo semak lo livelihood aktiviti, e.g igat raurau from samfala man itekem mo kakae mo samfala man imekem fashion no stret lo olgeta woman we oli kasseem mo mani lo olgeta projek blong olgeta?

Checklist ia iadapted lo olgeta material ia:

- IASC Guideline for Integrating Gender-Base Violence Interventions Humanitarian Action, 2015
- Food Security and Livelihoods Programs-Tips for Protection Mainstreaming, Global Protection Cluster, May 2014
- Food Security 1 (Food Assistance) Gender Market Tip Sheet, Inter-Agency Standing Committee, September, 2012
- Food Security 2 (Agriculture and Livelihoods) Gender Market Tip Sheet, Inter-Agency Standing Committee, September, 2012